

آبونه شرایطی

ممالك عثمانیه سته لکی (۶۵) ، الق
آیللی (۳۵) غروشدور .
ممالك اجنیه سته لکی (۱۷) ، الق
آیللی (۹) فزاقدر .

اداره خانه

باب عالی چاده سنده دائره مخصوصه

اخطارات

آبونه بدلی پشیندر .

§

مسئله موافق آثار مع الممنونیه قبول
اولنور . درج ایدله یازیلر اعاده
اولونماز .

الشیخ الاسلام

س ۱۳۳۰

دینی، فلسفی، علمی، ادبی، هفته لقی مجموعه اسلامیه در.

اخطارات

رساله مزین آندینی کوسترلمک شرطیه
بتون یازیلری هر هانکی بر غزته طرفندن
اقتباس اولونه بیلیر .

§

مکتوبلرک، امضالرک واضح و اوقوناقی
اولسی و آبونه صره نومروسی محتوی
بولونکسی لازمندر .

§

ممالك اجنیه ایچون آبونه اولانلرک
آدرسلرلرک قرالسزجه ده یازیلر رجا
اولنور .

§

پاره کوندردلرکی زمان نه دایر اولدیغنک
واضحاً بیلدرلرکی رجا اولنور

والله یهدی من یشاء الی صراط مستقیم صاحب و مدیر مسئول: ح. اشرف ادیب اتبعون اهدکم سبیل الرشاد

جلد ۱۲

۱۹ خیزران ۱۳۳۰

پنجشنبه

۸ شعبان ۱۳۳۲

عدد ۳۵۳

تَشْرِیْهِ

بسم الله الرحمن الرحيم

ان الله لا یغیر ما بقوم حتی یغیروا ما بانفسهم . (۱)

اَل کرمی :

شبهه سز الله تعالی بر قومه احسان ایتدیکی نعمت سلامتی او قوم
کندیلرنده کی شکر و طاعت حالی تغیر ایتدیکجه تغیر ایتمز .

ذلک بأن الله لم یکن مغیراً نعمته انعمها علی قوم حتی یغیروا

ما بانفسهم (۲) اَل کرمی :

بو (یعنی کفار ایله عصاتک کناهلرله مؤاخذه اولونمالری) شوندن
ایلری کلیرکه الله تعالی بر قومه انعام ایتدیکی بر نعمتی او قوم کندیلرنده کی
شکر و طاعت حالی تغیر ایتدیکجه تغیر ایتک دأب حکمتی دکندر .

بونلر قرآن مبینک او آیات حکمتندن درکه انسانلری حقه ، طریق
مستقیمه سوق ایدر ، بویله اولدیغنده ایسه کریوه ضلاله صایمش اولانلردن
بشقه سی شبهه ایتمز . بک اعلا ، عجب الله وعد کرمنده ، وعید قهرنده
خلفمی ایتدی ؟ حالبوکه جناب حق وعدنده اک صادق ، وعیدینی ایقاع
خصوصنده اک مقتدر در . عجب پیغمبرلرینی کوشه خذلانده می براقدی ،
خلقک اذهانی چلیدی ده اولنری طریق ضلاله می سوق ایتدی ؟ نمود بالله !
عجایبات آیاتی حکمتدن محروم ، عبث اوله رفقی ازال ایلدی ؟ عجب

(۱) سورة الرعد . (۲) سورة الانفال

الله قولارینه آکلایه میه جقلری بر طاقم رموز ایله ، ادراک ایدمه جکلری
بر طاقم اشارات ایله می خطابده بولندی ؟ استغفر الله !

قرآن غایت واضح ، هر درلو اعوجاجدن نزیه بر لسان مبین ایله
ازال اولنهرق او متن متینده بوتون امور ، بوتون حقایق تفصیل
اولنمیدی ؟ جناب کبریاک صفات سبحانیه سی قدسی ، ذات الهیسی
ظالملرک اسناده جرأتیاب اولدینی بوتون نقایصدن مزهدر . وعدنده ،
وعیدنده صادق اولان ذوالجلال هیچ بر زمان مفتی بربیعمبر کوندرمامش ،
هیچ بر عبث شی یار اتمامش ، بزى هیچ بروقت سبیل رشاددن بشقه سنه
سوق ایله مه مشدر . آیات ساطعه سی ابدیاً تبدلدن مصوندر . زمین
و آسمان محو اولورده باطله قارشى بر حصن حصین اولان کتاب سهاویسنک
هیچ بر حکمی ساقط اولماز .

خالق حکیم (ولقد کتبنا فی الزبور من بعد الذکر ان الارض یرثها
عبادی الصالحون - ولله العزة و لرسوله وللمؤمنین - وکان حقاً علینا
نصر المؤمنین - لیظهره علی الدین کله و کفی بالله شهیداً .) بیوریور .
بو آیات محکمک تضمن ایلدیکی وعد الهی هیچ تأویل قبول ایتمز .
تأویله قالقیشانلر ایسه سبیل حقندن اعراض ایدهرک کریوه تحریفه
صایان بر طاقم ارباب ضالدر . جناب حقک بوامت مرحومه یه قارشو
عهد ازلیسی بویولدهدر . مسلمانلری نصرت و عزتله ؛ علو مقام
ومنزله تکریم ایده جکی مسورتده کی وعد سبحانیسی هیچ بر زمان
خلق ایله نقیصه دار اوله ماز . ملکت مجد و شرفی ایچون بر غایت ،
عزتی ایچون بر نهایت تحدید بیورمامشدر . طریق هدایتی قیامته قدر
مسدود اولیه جقدر .

بوامت اوله بر امتدرکه جتناب حق اوئی بر حزب قلیل ایلن
توفیقنه مظهر ایدهرک شان و شرفی بک یوکسکلره اعلا ایتمشدر .
بر زمانلر اوامتک اقدام همتی شواهی عظمته ثبات ایتمش ، اک بلند

مراتب اولئك حضور اجلالنده سرفرو ایش ، پیشگاه مهابتنده جرأتلر ، جسارتلر ، شجاعتلر اصلاً مقاومت کوسترمه مشدر . بوامتک ظهور مدهشی بوتون عقوله حیرت ویرمشده بوخارقه نك اسبابی تحری ایدن ارباب امان ، مسلمانلر حقنده «الله ایله برابر اولدقلری ایچون الله اولنرله برابر اولیور ، کلمه اللهی اعلایه جالیشدقلری ، سبیل حقده بولندقلری ایچون نصرت خدایه مظهر اولیور ، دیمشدی .

بوامتک بدایت نشأنده مهمانی مفقود ، سلاحی ، لوازم حربیه سی غایت محدود ایکن سبیل ترقیسنه سد چکمک ایستیان صفوف اقوامی دوروب یورودیلر . مملکتلری تسخیرایتیلر . نه مجوسیلرک قازدقلری خندقلر ، یوکلندکلری برجلر عزمنه حائل اولدی ، نه ده رومالیلرک قلملری ، استحکاملری اونی کری چویردی . تبدل اقلیم ، کثرت اعدا ، ثروت خصماً متانتنه خلل ایراث ایدمده . تصادف ایتمدیکی ملوکک عظمتی ، قدم خاندانی ، اوکنه چیقان اقوامک صنایعی ، فنونی اونی اورکوتمده . الحاصل هیچ برقانون ، هیچ برنظام ، هیچ برسیاست سیرینی توقیف ایدمده .

دیارینه کیردیکی قوم اولا اونی حقیرکوریر ، بویله شردمه قلیله نك بوقدر بویوک بردولتی صارصاجفی ، لوح مجدوشرفدن عنوان موجودیتی سیله جکفی اصلاً خاطرینه کتیرمزدی . لکن عقله کلیان شیلر تمامیه وقوعه کلدی . بوامت مرحومه ده اوضعی ایله برابر هیچ برامتک نائل اوله مدینی مفاخری احراز ایتدی . الله قارشى عقد ایلدیکی عهد وميثاق اوزرنده ثابت قاله رق بونباتک دنیاده مجد وعزت ، عقباده سرمدی برسمادت صورتنده مکافاتنه مظهر اولان برقوم نه بویوک برقومدر ! بوامتک افرادی بوکون اوچبوز میلیونی آشپور . اراضیسی ایسه محیط اطلاسیدن بلاد چینک ایجریلرینه قدر امتداد ایدیورکه سراپا منبت طور اقلر ، محصولدار وادیلردن متشکلدر . بونکله برابر کوریسورز که مملکتلری یغما ایدیلور ، ماملکلری اللرندن آلنیور ، اجنبیلر امتک انقسام ایلدیکی طوائفه برر برر تقاب ایدیور . اراضیسی قطعه قطعه تقسیم ایله بد غصبنه کیریور . امتک نه سوزی مسموع ، نه ده امری مطاع . حتی بقیه ملوکی هر صباح بر حادثه نك ، هراقشام بر مصیبتک قارشیدنده بولونیور . بر زمانلر دول معظمه بی جزیه کذار ایدن امت مرحومه بوکون بقای موجودیتی اودولتله تقریده کوروور . بونه مصیبتدر ، بونه فلاکتدر ! بو هبوطک سببی ، بواخطاطک علنی نهدر ؟ عهود الهیه حقنده کی ظنمزی دگیشدیره جکمی ز ؟ نعمو ذباله ! رحمت الهیه دن ناامید اوله رق آلدانمشر دییه جکمی ز ؟ معاذ الله ! او قدر تا کیده رغماً وعد نصرتده شبهه دوشه جکمی ز ؟ حاشا ! بونلرک هیچ بری نه اولمش ، نه ده اوله جقدر . بزه دوشن نفسمزی محاسبه آلتنه آلتدر . چونکه بزم ایدم جکمز لوم ، مؤاخذه انجق اوکاراجع اوله بیلیر . جناب حق رحمت سبحانیه سی اثری اوله رق امتلرک سیری ایچون برطاقم قوانین ثابته وضع ایتمش ، صکرده بولر ؛ قطعاً دگیشمز بیور مشدر . (ولن تجد لسنة الله تبدیلاً)

آیات محکمه قرآنیه بزه کوسترمکده درکه امتلرک عرش مجد وعزتدن سقوط ایدم رک اسملرینک محیفه موجودیتدن سیلنمی آنجق بر حکمت بالغه اوزرینه موضوع اولان او قوانین الهیه نك جیزدیکی سبیل فطرتدن نکول ایتلری متعاقب ظهوره کلشدر . الله ذوالجلال هیچ بر قومک سلطنت وشوکتی ، ثروت وسعادت ، امن وراحتی قطعاً خللدار ایتز ، مکرکه او قوم ضیای عقلی ، هدایت فکری ، ارشاد بصیرتی بر افسون ، اقوام سابقه حقنده جاری اولان افعال الهیه دن عبرت آلمسون ، صراط مستقیم سبحانیدن عدول ایدوبده محو اولنلرک احوالی تأمل ایتسون . اوت ؛ او اقوام رأیده استقامتی ، قولده صدق ، یتنده سلامتی ، حظوظ نفسانییه قارشو عقی ، حقه نصرتی بر طرفه بر اقدقلری ، اعلاهی کلمه بذل مجهود ایتیه رک هوسات باطله لری پشنده یوان اولدقلری ، شهوات قانییه لینه انهماک ایله ک بویوک منکرانی ارتکاب ایلدکلری ایچون محو اولدیلر . عزملرینه مدهش بر ضعف کلرک آرتق اعتدالی استرداد ایچون فدای جان ایدم مدیلر . بطلان ایچنده یشامنی ، حقه ظهیر اوله رق اولمکه ترجیح ایتدیلر . بالاخره عقاب الهی به چاربه رق تاریخ عالمده ارباب اعتباره عبرت اولدیلر . ایشته امتلرک بقا بولمی ، فیضیاب اولمی یوقاریده صایدیغمز فضائل ایله تحلیسنه ، هلاک واضمحلالی ایسه اوخصیصه لر دن تعریسنه وابسته درکه شوقانون الهی نه اقوامک ، نه ده انسانک دکشمسینه قطعاً تحف ایتز ؛ خالقک خلق وایجاد وتقدير ارزاق خصوصنده کی قوانین سائرهمی کی لایتغیردر .

شمدی باقم ، قبلرمزه مراجعت ایدم ، حواس ومشاعر مزی امتحانه چکم ، اخلاقمزی یوقلایم . تعقیب ایتمکده اولدیغمز مسالک سیری ملاحظه ایدم ، اکلایم که عجباً بزدن اولکی ارباب ایمانک سیرتجه . سلف صالحک مسالکجه کیدیورمی ز ؟ عجباً بزکندمز بوزولدن جناب حق بزم حقمرده کی حکمنی تغیر ، قانون فطرتی تبدیل ایتدی ؟ حاشا وکلا . بلکه او وعد سابق الهیسنده صادقدر : ایشته بز شهامت وهمتی بر افرق حیات ومسکنته طالیدیغمز ، تفرقه لره دوشدیکمز ، اوامر الهیه سنه عصیان ایتدیکمز ، کثرتمه کوکندیکمز ایچون عزتمزی ذلته ، شوکتمزی انحطاطه ، ثروتمزی سفالته ، سیادت مزی عبودیته قلب ایلدی . کووندیکمز کثرتک هیچ بر فائده سی اولمده . اوامر الهیه بی کوشه نسیانه آتیدیغمز ، دینه نصرتدن قاچندیغمز ایچون بزی سوء اعماللر ایله جزا دیده ایلدی . آرتق نه نجارته طریق ، نه ده خدایه التجایه وسیله قالمده . یاز فصل نفسمزی لوم ایتیم که جانبک هر کون مملکتلرمزی غصب ایتدکلری ، بزی ذلت وسفالته محکوم ایلدکلری کوروب طوریسورزده هیچ بریمزده بوکا قارشى بر حرکت کورمیورز .

بوسواد اعظم . بوکتله جسیمة ملت وطنلری ، نفسلری مدافعه ایچون ماملکلرینک فضله سندن اولسون برشی فدا ایتمیورلر ، قانی برحیات سفیله بی مسعود برحیات سرمدی به مرجع طویسورلر .

بی پروا سویلرم که ایمان بر آدمک قلبه نفوذ ایدنجه او آدمک ایلک
ایشی ایمان اوغرنده مالی ، جاق تقدیم ایتکدر . بو خصوصیه نه
عذر ، نه علت مقبول اوله ماز . چونکه دین خدایه نصرتدن کری
طورمقی خصوصنده سرد ایدیلجک بوتون اعتذارلر برر علامت
نفاقدر .

بونکه برابر جناب پیغمبرک خبر ویردیکی کبی دیرزکه امت
مرحومه دن قیامته قدر خبر منقطع دکدر . بوکونکی حال ایسه زائل
اوله جق بر عرضدر . اگر اتقای علما قالدقارده الله ، پیغمبره ،
مسلمانلره قارشى تعهد ایتدکری وظائفی ایفا ایدر ، روح قرآنی احیا
ایله مؤمنلره معانی شریفه سنی اخطارده بولنورلر ، نظر ملتی خلفدن
بری اولان عهد الهی به طوغری چوردرلرسه کوررسک که حق ینه
عالی اولور ، باطل زبون دوشر ، کوزلری قاشدیران برنورمین پارلار ،
افکاره حیرت ویرن برطاقم اعمال کزین یکیدن میدان آلور .

صوک زمانلرده برچوق طرفلرده کی مسلمانلرک کوستردکری حرکت
زده بویوک بویوک امیدلر ، بویوک بویوک بشارتلر ویرمکده در . امیدایدرزکه
یقین زمانده امتی تفرقه به دوشورن اسباب اورتهدن قالدقارده وحدت
سابقه عودت ایدر ، علمانک بوامر خیره مسارعتی لازمدر . چونکه
بوتون خبر بونک ایچنده منجدر . بوتون فضل ایسه ایشه باشلا یانه
راجعدر . (ومن یهد الله فهو المتهد ومن یضل فلن یجده ولیاً)
مرشدا) .

شیخ محمد عبده

حدیث شریف

عن ابی هریره رضی الله عنه عن رسول الله صلی الله علیه
وسلم قال من کان یؤمن بالله والیوم الآخر فلیقل خیراً اولیسکت
ومن کان یؤمن بالله والیوم الآخر فلیکرم جاره ومن کان یؤمن
بالله والیوم الآخر فلیکرم ضیفه - رواه البخاری ومسلم

مال شریفی :

ابو هریره رضی الله عنه رسول الله صلی الله علیه وسلمک شویله
بووردیفنی روایت ایتشدر :

هرکیمک الله و آخرت کونه ایمانی وارسه خبر سویله سون ، بوقسه
صوصسون . هرکیمک الله و آخرت کونه ایمانی وارسه فوکشوسنه
اکرام ایتسون . کذلک هرکیمک الله و آخرت کونه ایمانی وارسه
مسافریته اکرام ایتسون .

بوحدیث شریفی بخاری ایله مسلم روایت ایتشدر .

حدیث شریف

عن ابی ذر جنبد ابن جنادة و ابی عبد الرحمن معاذ بن جبل

غدارلری ذلت ، لباسلری مسکنت ، مسکنلری حقارت بیله اولسه هریری
بیک سنه یشامق ایتسور . شرقده ، غربده تفرقه به دوشدک ، کندی
اره مزده بیله وحدتن اثر یوقی ، قاردهش قاردهشک مصیبتندن
نصیبه دار تآثر اولیور . قومشو قومشونک فلاکتته آلدیرمیور . هیچ
بریمز دیکرینک حقنه ، عهدینه احترام ایتسور . شمار دین کوزده دلیور .
حوزه اسلامی حایه ایچون دیناً مأمور اولدیغمز بذل جان وماله
کیمسه یاناشمیور .

لباس مؤمنینه بوزونلر ظن ایدرلری که جناب حق اونلرک
هیچ قلبلرینه طوقنمقسزین یالکیز اغزلرندن چیقان سوزلره قانع
اوله جقدر ؟ ظن ایدرلری که جناب حق آمالی تفتیش ایتیه جک ، فلوی
یوقلامیه جقده یالکیز ظاهره باقه جقدر ؟ بیلمزلری که خیث ایله طیب ،
صالح ایله فاسد آیرلدقه جناب حق مؤمنلری بولندقلری حالده
براقیه جقدر ؟ اونوتدیلری که جناب حق دین مبینی اعلا ایتلری
ایچون ماللری ، جانلری بذل ایدم جکلرینه دائر مؤمنلردن عهد
آلمشدر ؟ بویله اولدقدن صکره نه مالی ایله ، نه جانی ایله سبیل ایمانده
برآدیم آتیمان بر مؤمنک کندی مؤمن ظن ایتسی طوغری اولورمی ؟
اصل مؤمنلر اوجوانمردلردلرکه خصما اطرافکزی صارمش قورقیکرز ،
دیدکری زمان بوسوز ایمانلری ، ثباتلری برقات دها مرزاد ایدرده
حسبنا الله ونعم الوکیل دیرک ایلری طوغری آتیلرلر . فی سبیل الله
مقتول اولانلرک میت دکل ، حیات ابدیه به مظهر اولدیفنی ، نزد کبریا ده
سرمدی برسمادت ایچنده بولندیفنی بیان بر مؤمن نصل اولورده
اولومدن قورقار ؟ جناب حق (فلا تخافو هم و خافون ان کنتم مؤمنین)
دیورکن بر مؤمن نصل اولورده اللهدن بشقه سندن حذر ایدر ؟

هر بریمز کندیبه کلسون ، وجدانی دکلسون ، تلقینات شیطانیه به
قابلسون . بوم ندم ورود ایتدن اول عقلنی باشنه طوبیلاسون . جناب
حق ابرار امتی توصیف ایتدیکی صفات کزین ایله کندی اوصافی
تطبیقه جالیشسین . خصائص ایمانی آراسون . اگر هر بریمز بویله
یایه جق اولورسه ق اوزمان عدل الهینک ظهوری کورر ، طریق
هدایتی بولورز . سبحان الله ! امت ، امت واحد و اوامتی اعدایه
قارشو صیانت فرائض دینیته نک الک مهمی ایکن شو حقیقتک نص ایله ،
اجماع ایله ثبوتنه رغماً اجانبک بلاد اسلامییه به صولتلری کوریورزده
بوکا قارشو مدافعه اسبابی احضار ایتکی عقلمزه بیله کتیرمیورز .

ای اهل قرآن ! سز سلف صالحکزک اثرینه تبعیتله قرآنده کی
اوامر ونواهی بی یریشه کتیرمدکجه ، اوکتاب مبینی بوتون آمالکزده
مقتدا اتخاذه ایلدکجه قرآن ایله هیچ مناسبتکز یوق دیمکدر ، باقیکز
کتابکز نه دیور : (فاذا انزلت سورة محكمة وذكر فيها القتال رأيت
الذين في قلوبهم مرض ينظرون اليك نظر المغشي عليه من الموت)
بیلزمیسکز بوآیت کیمک حقنده نازل اولدی ؟ ایمانی اولیانلرک
وصفنده نازل اولدی . یک اعلا بویله بروضعیه مظهر اولمهی هانکی
مؤمن ممنونیتله قبول ایدم بیلر ؟